



## Concello de Xove

**Xestor de Expedientes. Expediente núm.: 975/2020**  
**Procedemento: CONVOCATORIA E CONCESIÓN DE PREMIOS DO CONCURSO DE ESCAPARATES DE NADAL “MÍRANOS” 2020-2021**  
**Documento asinado por: A TÉCNICO DE EMPREGO**

### **BASES REGULADORAS DA CONCESIÓN EN RÉXIME DE CONCORRENCIA COMPETITIVA DOS PREMIOS DO CONCURSO DE ESCAPARATES DE NADAL “MÍRANOS”**

O Concello de Xove, consonte ao previsto na Lei 38/2003, de 17 de novembro, Xeral de Subvencións (en adiante, LXS), Lei 9/2007, de 13 de xuño, de Subvencións de Galicia, e no que sexa de aplicación, os RD 887/2006, de 21 de xullo e Decreto 11/2009, de 8 de xaneiro, e ao obxecto contribuír á promoción do comercio local, promover a creatividade dos establecementos e incentivar que os establecementos comerciais de Xove decoren os seus escaparates con motivos de Nadal de cara ás próximas festas, de maneira que sexan máis atractivos para a veciñanza e clientela, á vez que contribúan a crear un especial ambiente festivo na rúa, establece as normas reguladoras da participación, as axudas económicas e dos premios que se outorgarán aos participantes que interveñan nos citados actos, de acordo coas seguintes bases:

#### **PRIMEIRA.- DEFINICIÓN DO OBXECTO**

Constitúe o obxecto das presentes bases a regulación do procedemento aplicable para o outorgamento dos premios do concurso de escaparatismo de nadal 2020-2021

#### **SEGUNDA.- REQUISITOS DOS PARTICIPANTES**

Poderán participar no concurso todos aqueles establecementos comerciais situados na localidade de Xove independentemente do produto que oferten ao público.

A documentación a presentar será a seguinte:

-Folla de inscrición establecida ao efecto

A folla de inscrición deberá presentarse no Rexistro de Entrada antes das 14:00 horas do día 9 de decembro. No suposto de que un comercio teña varios establecementos, poderá presentar tantas Follas de Inscrición como escaparates opten ao concurso.

#### **TERCEIRA.- NORMAS DO CONCURSO**





## Concello de Xove

---

O tema ha de gardar relación co Nadal. Os establecementos participantes terán total liberdade en canto á técnica e ao estilo.

Os escaparates deberán estar preparados o día 9 de decembro ás 24:00 horas.

Os establecementos enviarán unha única fotografía do escaparate ao seguinte enderezo: [aedl@xove.es](mailto:aedl@xove.es) antes das 24:00 horas do día 9 de decembro. Se a persoa propietaria do establecemento cre necesario enviar máis dunha foto para a correcta visualización do seu escaparate deberá mandar todas as fotos en forma de collage. Os escaparates deberán estar suficientemente iluminados e en condicións de tal xeito que permitan ser vistos polo público durante toda a campaña de Nadal.

Caso de non enviarse fotografía considerarase que o establecemento non participa no concurso.

### CUARTA.- CRÉDITO ORZAMENTARIO E TRAMITACIÓN ANTICIPADA DO GASTO

A contía máxima destinada aos presentes premios é de 300 euros € (partida 4314.481 do Estado de Gastos do Municipal).

Os premios serán concedidos no exercicio seguinte ao da convocatoria co que será de aplicación o previsto no artigo 56 do Real Decreto 887/2006, de 21 de xullo, polo que se aproba o regulamento da LXS sobre tramitación anticipada de gasto. A concesión queda así condicionada á existencia de crédito adecuado e suficiente no momento da resolución de concesión.

Estimarase deserta a convocatoria se hai menos de 8 inscricións, é dicir, se non se acada un mínimo de 8 participacións o concurso non terá lugar.

### QUINTA.- PREMIOS

Haberá un único premio para o escaparate que acade máis “me gusta” que consistirá en 300,00 Euros.

De acordo co RD 439/2007, de 30 de marzo, polo que se aproba o Regulamento do Imposto sobre a Renta das Persoas Físicas, non está suxeito a retención o premio anterior.

### SEXTA.- SELECCIÓN DO ESCAPARATE GAÑADOR

As fotografía enviadas serán subidas á páxina de Facebook “Emprego e Desenvolvemento Local Xove”. O escaparate gañador será o que resulte máis popular, é dicir o que maior número de “me gusta” obteña desde o 14 de decembro ata o 4 de xaneiro 2021 ás 24:00 horas.

Unha vez rematado o prazo, pola técnico local de emprego acreditarase mediante informe o número e razón social de establecementos





## Concello de Xove

participantes así como o número de “me gusta” obtidos por cada un deles. Este informe terá o carácter de proposta de concesión do premio. No caso de empate o premio será repartido a partes iguais entre os gañadores.

### SÉTIMA.- PROTECCIÓN DE DATOS DE CARÁCTER PERSOAL

A presentación da folla de inscrición supón a aceptación incondicional das presentes bases e das condicións, requisitos e obrigas contidas nestas.

A concorrencia ao proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei Orgánica 15/99, de 13 de decembro, de Protección de datos de carácter persoal. A finalidade da recollida e tratamento dos datos persoais será estrictamente á xestión e tramitación do expediente correspondente.

### OCTAVA.- NORMAS DE CONTROL E SEGURIDADE APLICADAS ÁS VOTACIÓNS EN FACEBOOK

O Concello de Xove como organizador do Concurso, resérvase a facultade de adoptar cantas medidas resulten oportunas para evitar calquera conduta da que a Organización sospeite que teña por finalidade ou efecto calquera intento de actuar en fraude da presente campaña ou no incumprimento das súas normas en prexuízo de outros participantes.

O Concello resérvase o dereito de invalidar, expulsar, eliminar ou non ter en conta no cómputo aqueles perfiles que considere sospeitosos de calquera intento de participación fraudulenta, incluído, a modo enunciativo e non limitativo, o intento de rexistro de máis dun perfil de usuario de Facebook por parte de unha persoa, creación de perfiles falsos ou usurpación de identidade.

Do mesmo xeito, o Concello resérvase o dereito de poñer calquera sospeita neste sentido en coñecemento da empresa responsable da plataforma Facebook, para que se adopten as medidas que correspondan. Igualmente, o Concello resérvase o dereito de emprenderas pertinentes accións legais que puideran corresponderlle.

O Concello resérvase o dereito a descargar e excluír do concurso calquera resposta enviada polo usuarios cando o considere oportuno.

### NOVENA.- INFORMACIÓN AOS BENEFICIARIOS DOS PREMIOS

Con carácter xeral, os premios están incluídos no ámbito de aplicación da Lei 38/2003, de 17 de novembro, Xeral de Subvencións, polo que o Concello de Xove é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na Base Quinta (non existe obriga de practicar retención por ser inferiores a 300,00 euros), os premios están suxeitos ao IRPF segundo o establecido no artigo 75.2 do RD 439/2007, de 30 de marzo, sendo a Axencia Estatal da Administración





## Concello de Xove

---

Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.

*O órgano xestor,  
Asdo. Rosa Lage Canoura*  
**DOCUMENTO ASINADO DIXITALMENTE**

